

Naña o'ch yeñoten errotencha' yenare'ten pasto. Neñt pasto ñeñt chopyets all yeycha'yenapa' ñeñtpa' e'ñe cohuen pasto yehuacsherecop. Neñtpa' ñeñtara ñeñt otenet toro-urco, ñeñtpa' cohuen pasto. Atfoch yenare'chpa' ama torrapoyaye.

Neñtpa' atef:

Nanompa' o'ch yamre'ten, allotpa' o'ch yenare'ten mam, o'chña atesha'tuaña mampa' o'ch ya'parra pasto pue'llomer atfoch e'ñech huañtsa mampa' pastonapa' o'chcho' atesha'tua. Nerra'm ama atef yeñopa' ñato' o'ch chopuen po'poñ pasto ñeñt ama toro-urcoyaye.

Neñtpa' atefcha' chocma yepena pate'tets char, allochñapa' yepastmañpa' allo'nach atontnetsa pate'tets char. Tarro'mar pate'tets huaquesh po'npa' muenenan 3/4 hectárea de pasto ñeñtcha' rren. Neñto'mar ñerra'm yechen shonte' huaquesh, yepastmañapa' amach atarroyayepa', yehuacsherñapa' amach cohuen mereno.

Eñall pa'namen pasto ñeñt anare'tpo' ñeñtpa' añechno pa'so'cheñ: gramalote, nudillo, castilla, guinea, maicillo, yaragua, pangola, ñaña eñall po'poñechno.

Ñaña errofeno huaquëshpa' o'ch ana' pomomor, Tarraña ñerra'm
atef p̄apa' o'ch ya'pecho'toñ pomomos, ñaña allempopa' choc-
mach yepcheññañ leche puechoyorecop. Ñerra'm ana' huaquësh
pomomoropa' o'ch senoñ pomomoro trapo atserrmamuen, allofpa'
o'ch sarrofmomore'tame'ch allo epuet alcohol. Tarraña amach
sa'tserrp̄atstone pomomor te'ta allota ma'nena, tarro'mar ama
cohuenayaye o'ch puetsa' huaquësh pomomoro.

Ñaña ñerra' yemnen o'ch yena'yeso'ñañ po'numeropa', o'ch
yeneññañ pueto allempo errte' eñalletetsa. Po'numeropa'
ama tama sherbeno ñerra' coñe'ta yechen huaquësh. Sherben
número ñerra'm yechen shonte' huaquësh. Tarro'mar allempopa'
yeñochocha' errponte' beser eñall.

Ñerra' o' yepartuepa' ñaña o' yenuoñ po'numeropa', o'ch
yapcherr allohuen beser o'ch ya'rroyer ahuanerretapa' pach-
resho. Allempoñapa' o'ch yaner allof yeña'. Ñerra'm o' yenuera'
po'pastmopa' chochmach yeuteñ pate'tets yef amapa' epomuet ama-
pa' ma'pamuet yef choch yeuteñ. Ñerra' yench beser cha
pasena o'ch yaner pocollo allcha' yeparech. Ñerra' chã'
e'tenpa' o'ch yeparech remedio ñeñt pa'so'cheñ Matagusano.
Ñeñto' corra'huerra allohuen pomoc beser ñaña ñerra' o' moga'-
nom pomocpa', ñeñto' o' correrri huomencpa' o'ch yacre'
erra'tsencha' atesha'tatsa. Neñtpa' o'ch yahuanem o'ch yene'
ello.

Allponmat ačhomentena huaquësh

Allponmat yet onena huaquësh atfoch tapuen puechoyorpa', ñeñtpa' 280 yet, errotenopa' 290 yet. Nerra'm o' tapuen puechoyorpa' añ pocte' čhoch ñanom po'naterra parroch atfa, amapa' o'ch meterr epma arrorr allempoteñ cheyore'tua ahuaña. Allempoñapa' pocte' po'tororpa' o'ch alla quellacher atfoch o'ch alla cheyore'tater. Añpa' tarro'mar pocte' o'ch yepe' atef allochñapa' yeyoroñcha' pomomos 9 meses. O'chña ma'pama arrorr o'ch alla cheyore'terrerrpa' o'ch yequečhpue'yore' pomomos. Allempoña huaquëshpa' o'ch yerrach nanac, ñaña o'ch yerrateñ e'ñe cohuen.

Allempo cheyore'ten

Allempo o'ch tapuenmoch pochoyor huaquëshpa' o'ch yeneñ ellonet, ñapuet, tarraña allo'tsenach allame'tets. Allempopa' o'ch yecue' esempoch tapuen beser. Neñto' yench o' tapuenmochpa' o' yanem allame'tets yecorrallo ñeñto'mar allame'ttsach yecuampeñ.

Nerra'm cohuencha' cheyore'ten huaquëshpa', beserpa' e'ñech cohuen eñalletena. Atteña ñerra' allempo e'muenan puechoyor meten 2 hora ama eñalletachepa' o'ch yeñoch ñato' amach cohuen eñalleto beser. Tarro'mar huaquëshpa' mameshach eñalletatenan puechoyor.